

# Manel Vila, čovjek koji je tri milijarde ljudi upozorio na opsadu Sarajeva

Piše: J. H./Klix.ba  
30.10.2014. u 21:40



Gradsko vijeće Grada Sarajeva jučer je proglasilo Manela Vilu za počasnog građanina. Tako je glavni grad BiH dobio i trećeg počasnog građanina iz pobratimskog grada Barcelone uz Juana Mariju Tintorea i Pasquala Maragalla.

Vila, profesionalni političar i doskorašnji uposlenik Skupštine Grada Barcelone, se od prvih dana agresije na Sarajevo i Bosnu i Hercegovinu uključio u angažovanje ovog grada i Katalonije na veoma raznovrsnoj i konkretnoj pomoći.

Zajedno sa gradonačelnikom Barcelone Pasqualom Maragallom, Vila, je bio domaćin reprezentaciji BiH na Ljetnim olimpijskim igrama. Maragall je zajedno sa timom kojeg je vodio Manel Vila, sve vrijeme svog mandata iskazivao podršku građanima Sarajeva. Tako je na otvaranju Olimpijskih igara u Barceloni u julu 1992. u svom govoru koji je pratilo preko tri milijarde gledalaca, saopćio tragičnu situaciju u Sarajevu i uputio apel za pomoć građanima Sarajeva i Republici BiH.

